



Mawla Hum Karbala

moula hum karbala main aaye hain.....tery pursy ko ashk laye hain.....moula
hum karbala main aaye hain

iss zameen per nabi ka ghar ujrra....
lasha shabir ka yahan tarrpa...
yeh zameen hay hussain ka maqta...
ranj zeinab ne yan uthaeye hain....moula hum karbala main aaye hain

iss zameen per gira tha jab akbar....
khema gah main tarrap gayi madar....
iss zameen main laho ki kushbo hai...
hum ne nohay yahan sunaye hain....moula hum karbala main aaye hain

tishna lab sayyado(n) ki basti ha....
mout yaan zindgi pey hansti ha....
phool iss rait main lahoo ke ugey
shehar jangal main kia basaeye hain....moula hum karbala main aaye hain

bazo abbas k yaheen they girey...
durey abid ki pusht per thy parry...
kan zakhmi hueye sakeena ke...
yaheen aal e nabi sataeye hain.....moula hum karbala main aaye hain

yaheen asghar ne teer khaya tha...
baap bety ki lash laya tha...
yaheen lashoon pey ghorry dorry they....
abb yaheen per allam uthaeye hain...moula hum karbala main aaye hain

hay yeh imran ki dua bibi...
nohy safdar likhy sada bibi....
hazri ko qabool ker moula....
hum azadar ban k aaye hain.....moula hum karbala main aaye hain.